



---

Sarajevo, 09. 12. 2016. godine

**SAOPĆENJE ZA MEDIJE: Ministar Mektić pohvalio Policiju Brčko distrikta BiH za uspješnu akciju protiv krijumčara oružja**

Ministar sigurnosti Bosne i Hercegovine Dragan Mektić uputio je pohvalu Policiji Brčko distrikta BiH, koja je u saradnji sa drugim policijskim agencijama u Bosni i Hercegovini, uspješno provela međunarodnu policijsku akciju „Kalibar“.

„Ova akcija je primjer dobro organizirane, pripremane i provedene akcije u saradnji sa kolegama iz Austrije i policijskim agencijama u BiH, kojom je presječena krijumčarska ruta i uhapšena grupa koja se bavila krijumčarenjem oružja, vojne opreme i eksploziva u Zapadnu Evropu. Ovo je konkretan doprinos policijskih struktura napretku Bosne i Hercegovine na evropskom putu i dobar primjer međuagencijske saradnje u BiH, a ujedno i doprinos sigurnosti regije i Evropske unije s obzirom da je ilegalna trgovina oružjem jedan od ključnih globalnih sigurnosnih izazova, istakao je Mektić.

Ministarstvo sigurnosti BiH će nastaviti da stvara pozitivan ambijent i uslove za rad te pruža podršku svim sigurnosnim agencijama u BiH u borbi protiv svih vrsta organiziranog kriminala i sigurnosnih prijetnji.

**(kraj)**